

Yeshua: e Pas di Bida!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

Yeshua; Jesus di Nazarèt: e Lei di Dios Tata!!!.

Tambe riba dia di boso Alegria, i na boso Fiestanan stipulá, i riba e promé dianan di boso lunanan, boso mester supla e Tròmpètnan riba boso Ofrendanan kimá i riba e Sakrifisionan di boso Ofrendanan di Pas; i nan lo keda komo un Rekòrdatorio di boso dilanti di boso Dios. Ami ta SEÑOR boso Dios." (Numbernan 10:10).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

E ora ei e Spiritu a bin riba Amasai, kende tabata hefe di e trintanan, i el a bisa: "Nos ta di bo, O David, i ku bo, O yu hòmber di Isaf! Pas, Pas sea ku bo, i Pas sea ku esun ku ta Yudabo; Di Bèrdat, bo Dios ta Yudabo!" E ora ei David a risibí nan i a hasi nan kapitan di e trupa. (1 Krónika 12:18).

Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José."

Felipe por bisa esaki pasobra:

Yeshua ta e Alegria.

Yeshua ta e Fiestanan stipulá.

Yeshua ta e Sakrifisionan.

Yeshua ta e Ofrendanan di Pas.

Yeshua ta e Rekòrdatorio.

Yeshua ta e Spiritu.

Yeshua ta e Pas.

Yeshua ta e Yudansa.

Yeshua ta e Bèrdat.

Ta pa e motibu aki Yeshua a bisa: "E kosnan aki Mi a papia ku boso, miéntras ku Mi ta serka boso ainda. Ma e Konsolador, Spiritu Santu, Kende e Tata lo manda den Mi Nòmber, E lo Siña boso tur kos i hasi boso Rekordá tur loko Mi a bisa boso. Pas Mi ta laga pa boso; Mi Pas Mi ta duna boso; no manera mundu ta duna, Mi ta duna boso. No laga boso kurason bira intrankil, ni lagu'é tene miedu." (Juan 14:25-27).

13 òktober 2019

Sea Bendishoná ku e Amor di Dios Tata; Yeshua Mesias

Un Fiel Sirbidó di Dios,

Remsly L Riley